

جَزَائِرِ مَحَاكِمِ

جمعه ایرتسی

نومرو	ربیع الاول	سنه	تشرین اول	سنه	صحیفه
۶۲۱	۲۱	۱۳۰۹	۱۲	۱۳۰۷	۹۰۵۳

(اشبو غزته بهر هفته جمعه ایرتسی کونلری چیقار . سنه لکی در سعادت ایچون مجیدیه یکر می غروش)
 (حسابیله التمش غروشدر . طشره لر ایچون اون بش غروش پوسته اجر قی ضم اولنور . بهر)
 (نسخہ سی ینہ مجیدیه یکر می غروش اولق اوزره یوز پاره یه هر یرده ساتیلور . درج اولنه جق)
 (اعلاناتک هر برندن بر مجیدیه اخذ اولنور . سنه لکنه مشتری اولق استیانلر عدلیه نظارتی)
 (دائره سنده کائن جریده محاکم اداره سنه مراجعت ایلملیدر)

قسمت سہمی

(فی ۸ ربیع الاول سنه ۳۰۹ وفی ۳۰ ایلول)
 (سنه ۳۰۷ تاریخندہ بالجملہ ولایات استیناف)
 (محکمہ سی مدعی عمومیلرینہ ومدعی عمومی)
 (بولنمیان محللر مدعی عمومی معاو نلرینہ یازیلان)
 (تحریرات عمومیہ صورتیدر)

مأمورین حقندہ وقوعبولان شکایات اکثریا
 احوال غیر مرضیہ و بطاأت وسوء حال حرکت

وسوء استعمال امنیت ومأمورین کی برطاقم مبہماتہ
 مستند اولدیفندن معطوف علیہک اجرای معاملات
 تسجیلیہ سندنہ محاذیر و مشکلات تولد ایتمکدہ
 اولدیفندن بونک رفع وازالہ سی ضمنندہ برقرار
 اتخاذی لزومی سچل احوال قومیسون عمومیسی
 ریاست علیہ سندن باتذکرہ بیان وازبار اولنمیسی
 اوزرینہ اولبابدہ بالحوالہ شورای دولت داخلہ
 دائرہ سندن تنظیم اولنوب باتذکرہ سامیہ تودیع
 اولنان مضبطہ دہ احوال اشتکائیہ وسجلیہ نک
 شورای دولتجہ تدقیقنہ دائر اخیراً اتحاد اولنان
 قرار تأمین مقصدہ کافی اولمسیلہ بشقہ برقرار

اتخاذينه لزوم اوليوب مع مافيه نظارت و ولايتلرك
هر درلو نيك و بد احوالدين مسئول اولان
نظار و ولاه عظامك استخدام ايده جكلري و سائط
اجرائيه حقنده كي شكايترلرينك ردی حائنده
كنديلرينكده مسئوليتي تعديل ايديلك لازمكلوب
بوايه اصول دائرة سياسييه توافق ايده ميه جي
جهتله جائر اوله ميه جيني كي نظار و ولاه عظام
حضرانك خلاف حقيقت شكايترلري دخی امر
اداره يه سوء تأثیری وار باب اهليت و لياقه ايراث
ياس و فتور ايله مصلحة محاذيري مستلزم اوله جفته
مبنی شکایات واقعه نك نتیجه تدقیقاته و ایجابیه كوره
وقوع بوله جق محاکماتده عیناً ظهور ايده جك
بر حالده اولسنه دقتله مواد مشتكا بها معین و صریح
اوله رق ادله صحیحه يي متضمن بولنسی ایچون
دوائر و ولايات ايله سجل اداره سنه تبلیغات
مقتضیه ایفای لزومی کوستریله رك اولو جهله تبلیغات
عمومیه ایفا ایدلديكي داخله نظارت جلیله سندن
باتد كره اشعار قلمش و مأمورین عدلیه حقنده
وقوع بوله جق شكایاتده دخی بو صورتله معامله
اجراسی لزومی دركار اوله رق اشبو تحریرات
عمومیه نك نسخ مطبوعه كافیسی لفا فرستاده
قلمش اولغله دائرة مأموریت شریفه لری داخلنده
بولنان محاکم رؤسا و مدعی عمومی معاونلكرینه

تبلیغ کیفیت همت ایلملری سیاقنده .

(فی ۸ ربیع الاول سنه ۳۰۹ و فی ۳۰ ایلول)
(سنه ۳۰۷ تاریخنده بالجله ولايات استیناف)
(محکمه سی مدعی عمومیلرینه و مدعی عمومی)
(بولنمیان محللر مدعی عمومی معاونلرینه یازیلان)
(تحریرات عمومیه صورتیدر)

مصالح ذاتیله لرینك تسویه سی ضمننده داخل
ولایتده بولنان مواقعه كتمك استدعاسنده بولنان
مأمورین عدلیه نك مدت غیبو بترلنده بر كونه
محذور اولدینی حالده اون كونی تجاوز ایتمك
اوزره منسوب اولدقاری محاکم رؤسای طرفلرندن
مأذونیت اعطاسی حقنده فی ۱ تشرین اول سنه ۳۰۲
تاریخنده مقام نظارت محیدن تعمیماً وقوع بولان
تبلیغات بناء رؤسای محاکم طرفلرندن صحت
احتیاج تدقیق ایدلكرسزین هر بار معیترلنده
بولنان مأمورلره رخصت و یر یله رك حسن جریان
مصالحك اخلال ایدلكرده اولدینی اشعارات
واقعه دن اكلا شلمشدر رؤسای محاکم اشبو
مأذونیت اعطاسی صلاحیتی حسن جریان اموره

طرفدن بامضبطه اشعار اولنوب اگرچه كرك
نقصان بیان اوله رق اعاده قلنان پوللرك و كرك
بوراده كي پول موجودینك تعداد و تدقیق اجرا
ایتدبر یله رك نه نقصان ارسالات ونه ده فضله
موجود كورلما كده اولسنه نظراً بوكی اشعاراتك
محللرنجه تعداد سهوندن ایلروكلديكي اكلا شیلوب
مع مافیه بوكی اشعاراته قارشو بر كونه تردد
واشتباهه محل قالمق ایچون بعدما كوندریلان
پوللرك موضوع اولدینی قوطیلرك بر طرفلرندن
براغلمش اولان محل مخصوصدن كال دقتله تعداد
اوله رق نقصانی كورلديكي حالده باغ و مهرلرینك
فك ایدلكرسزین اعاده سی اصول اتخاذ ایدلش
و بولرك مغایری حر كنده بولنلديني حالده ترتب
ایده جك مسئولیتك مأموریت والالرینه انعطافی
طبیعی بولنمش اولغله اولبابده .

سكته كتور مامك واسباب صحیحه و ضروریه يه
مستند اولق شرطیله استعمال ایتملری لازمه دن
ایكن اشبو قید و شرطه رعایت اولنمیه رق رؤسای
مومی الیه طرفلرندن مأذونیت و یرلسی غیر جائز
و مسئولیتی باعث بولنمش اولدیفندن بعدما بوبابده
الزام دقت اولنسی خصوصنك نزدنده بولنلديكر
استیناف محکمه سی ریاستیله الویه ملحقه محاکمی
رؤساسنه تبلیغی ضمننده اشبو تحریرات عمومیه نك
نسخ مطبوعه كافیسی لفا كوندرلكرله ایضای
مقتضاسی سیاقنده ترقیم شقه محبی یه ابتدار
قلندی .

(فی ۱۳ ربیع الاول سنه ۳۰۹ و فی ۵ تشرین)
(اول سنه ۳۰۷ تاریخنده بالجله ولايات استیناف)
(محکمه سی مدعی عمومیلرینه و مدعی عمومی)
(بولنمیان محللر مدعی عمومی معاونلرینه یازیلان)
(تحریرات عمومیه صورتیدر)

خرج و رسوم عدلیه ده استعمال اوله كلان
پوللر ارسالاتجه نقصان ظهور ایدلديكي بعض

محکمه استیناف تجارت قسمی اشبو بیک
اوچوز یدی سنه سی تشرین اولنك اون ایکنجی
جمعه ایرتسی كونندن اعتباراً ساعت التیده

آچيله رق معاملات داخله ايله اشتغال اولندقدن
صكره ساعت التي بچقده محاکمه بدأ و مباشرت
اولنه جنی و طرفیندن هر قنغیسی احضار نامه ده
معین اولان ساعتده حاضر بولمز سه حقنده معامله
قانونیه نك اجرا ایديله جکی اعلان اولنور .

قسم غیر رسمی

(اوچیوز التي سنه سی مایسنك یکر می بشنجی)
(کیجه سی ککبوزه قضاسنه تابع داریجه ناحیه سی)
(ساکنلرندن قسطی بی بچاقله جرح و قتل)
(ایلدیکی ادعا اولنمسندن طولای مظنون علیه)
(بولنان قهوه جی یورکینك اجرا قلنان محاکمه)
(علیه سی ضبط نامه سی صورتیدر)

اوچیوز التي سنه سی مایسنك یکر می بشنجی
کیجه سی ککبوزه قضاسنه تابع داریجه ناحیه سی
ساکنلرندن قسطی بی بچاقله جرح و قتل ایلدیکی

ادعا اولنمسندن طولای مظنون علیه بولنان
قهوه جی یورکینك جنایتله اتهام اولندیغه دائر
هیئت اتهامیه دن تنظیم اولنان فی ۸ اغستوس سنه
۳۰۶ تاریخ و ۲۲۴ نومرولی مضبطه ايله استیناف
مدعی عمومیلکنك فی ۲۳ اغستوس سنه ۳۰۶
تاریخ و ۳۹۲۹ نومرولی اتهام نامه سی اوراق
متفرعه سیله فی ۳ ایلول سنه ۳۰۶ تاریخده محکمه
جنایتیه تودیع اولنمغله بالمطالع اصول محاکمات
جزائییه قانوننك اکیوز قرق سکرنجی و اکیوز
طقوزنجی ماده لر یسنه توفیقاً مرقوم یورکی ماه
مز بورک دردنجی کوفی توقیفخانه دن جلب ايله
استجواب و مدافعه سننده معاونت ایتک اوزره
بروکیل انتخاب ایتسی تکلیف اولندقدن وکیللردن
طانیدینی اولدیغنی سویلمکله محکمه نزدنده
بولنان دعوی وکیللردن قسپار افندی جانب
محکمه دن مرقومه وکیل تعیین وقانون مزبورک
ادعای مفسوخیت حقنده اولان اکیوز الی
برنجی ماده سی مندرجاتی اخطار قلندیغنی مین
طوتیلان ضبط ورقه سی تحت امضایه الیدرلدی .

ادعای مفسوخیت ایچون معین اولان مدت
قانونیه منقضیه اولمغله مرقومك اجرای محاکمه سی
بالدفعات قرارلشدیلدیغنی حالده متهم مرقومك

خسته لندیغنی مثللو برقاج دفعه دخی شهودك عدم
ورودی جهتیله محاکمه اجرایی قابل اوله مامش
و بو دفعه دخی محاکمه اجرایی اوچیوز یدی
سنه سی مارتنك اون سکرنجی بازار ایرتسی کوننه
قرارلشدیلدی .

یوم مذ کورده متهم مرقوم اصولی دائره سننده
توقیفخانه دن کتوردیلرک وکیلی قسپار افندی
یاندن اولدیغنی و مدعی عمومی معاونی ممدوح بك
حاضر بولندیغنی حالده محاکمه علیه یه بالابتدار
متهم مرقوم استجواب اولندقدن داریجه لی ویکرمی
ایکی یاشنده محل مذ کورده قهوه جی اولدیغنی
سویلمکله کندوسنه و وکیلی مومی الیه قانون
مز بورک اکیوز التمش دردنجی و اکیوز التمش
بشنجی ماده لر مندرجاتی بعدالاطار اتهام
مضبطه سیله اتهام نامه ضبط کانی شوکت افندی یه
قرائت ایتدیلدی .

مذ کور مضبطه نك مالی مظنون علیه مرقوم
یورکینك قسطی بی اثنای منازعه ده بچاق ايله جرح
و قتل ایتدیکی حقنده اوراق تحقیقه ده مندرج
اخبارات و معاینه راپورتی مندرجاتی اتهامه کافی
کورلش و حرکتی قانون جزانك یوز یتمش

دردنجی ماده سی حکمی مستلزم افعال جنایتیه دن
بولمش اولدیغندن مرقومك جنایتله اتهامه قرار
ویرلیدیکی و اتهام نامه نك مفادی دخی مضبطه
مذ کوره مندرجاتی وجهله مرقومك متهم بولندیغنی
بیان و ایضاحدن عبارتدر .

قانون مز بورک اکیوز التمش بشنجی ماده سنه
توفیقاً اتهام نامه نك خلاصه سی متهم مرقومه تفهیم
و معاون مومی الیه طرفندن دخی اسباب اتهامی
تفصیل و تشریح اولندقدن صکره مرقوم
سویلتدیلرکده مرقوم قسطنینك همشیره سی
کندوسنك والده سیله منازعه ایتمش اولدقلری
جهتله وقعه کونی کندوسی قهوه خانه سننده طعام
ایدوب اوتورمقدن ایکن مرقوم قسطی حدتله
بالورود یقاسندن طوتوب طیشارویه چیقاردقدن
صکره بچاق کشیده ایدوب غلافیه کندوسنه
اورمی اوزرینه خوفندن ناشی فرار و مرقوم
دخی تعقیب ایتدیکی صره ده ایغنی قایوب یر
دوشدیکندن یدنده بولنان بچاق کندو کندوسنی
جرح ایتمش اولدیغنی بالبیان مضبوط افاده سی وجهله
انکار تهمت ایتکله مرقومك قهوه خانه سننده
بولنوب جانب امانتدن کتوردلش اولان بچاق
مرقومه اراؤه اولندقدن مذ کور بچاغی دکاننده

بولش ايسه لرده كندوسنك اولديغنى تذكاريلىمى
اوزرينه اساس زورنالى ايله معاينه راپورتى
ودعوت ايدلىكى حاليده ورود ايتيان شاهد
استاورينك دائره استنطاقه مضبوط اولان افاده
مخلفه سى لى القرائه زورنالك مالى مرقوم يوركينك
بالمنازعه قسطى بى بجاقله صول بوكرى قابورغه سندن
جرح ايدرك فرار ايدلىكى و راپورت مفادى
دخى مرقوم قسطنك صدرينك ناحيه ظهيريه
وعظم كتنى ايسرك اون ايكي سانتيمترو اسفلنده
التنجى ويدنجى مسافه ضلعيه نك اره سنده مشاهده
اولنان بر عدد جريمه دن متأثراً وفات ايلمى
اولديغنى وافاده مذكوره نك مزايامى دخى برجه
كونى اقشامى تخميناً ساعت ايكي راده لرده اوسته سى
يوركى ايله قهوه خانه ده اوتورمقده لر ايكن مرقوم
قسطى بالورودا كر قبا داي ايسك چيق طيشارويه
ديو يوركينك يقاسندن طوتوب طيشارى به
چيقارديغنده بلنده بولنان قايى قينيله كشيده
ايدرك يوركينك ارقه سنده برقچ دفعه اورمى
اوزرينه يوركى دخى بلندن سياه صابلى بر بچاق
چيقاروب قسطى بى ارقه سندن جرح ايدرك فرار
ايدلىكى ومؤخراً مرقوم يوركى قهوه خانه به
كلهرك مذكور بچاغى غاز صندوقك ايجروسنه
قويوب تكرر جقبوب كتيديكى افاده ايدلىكى

(ايكنجى محاكمه)

بر موجب قرار يازيلان مذكوره اوزرينه
ككبوزه مستنطقى رضا وداريجه ناحيه سى مديرى
احمد حمدى افديلر ايله شاهد استاورى ورود
ايتش اولدقلىرندن سنه مذكوره مايسنك اوتونجى
كونى متهم يوركى توقيف خانه دن كمتورديلهرك وكيلى
قصبار افندى ياننده اولديغى ومدعى عمومى
معاونى ممدوح بك ومدعى شخصى مقتولك برادرى
مانولاكى وهمشيرلرى فوتيه و قاليوي حاضر

بولندقلىرى حاليده دوام محاكمه عليه به بالا بتدار
قرائت ايديلان ضبط سابق مندرجاتى طرفين
تصديق ايتدكلىرندن وكلكش اولان ككبوزه مستنطقى
اوتوز ايكي ياشنده رضا وداريجه ناحيه سى مديرى
قرق بش ياشنده احمد حمدى افديلر ايله داريجى لى
وارنه لى پنايوطك اوغلى اون يدي ياشنده استاورينك
لدى السؤال طرفينه بر كونه قرابت و خصوصتلى
اولديغى اكلاشلقدن و مرقوم پنايوطك محاكمه
سابقه ده حاضر بولنه مامسى ايجون اسباب معذرت
بيان ايتديكىندن معاون مومى اليهك طابى اوزرينه
يارم ايرا جزاى تقيدن عفوئى بالماذ كره قرار كير
اولدقلىر صكره اصول محاكمات جزاييه قانونك
ايكيوز التمش سكرنجى ماده سنه توفيقاً مستنطقى
رضا افندى بوايشك مستنطقى اولمى حسييله
بلا تحليف و احمد حمدى افندى ايله استاورى
بعد التحليف منفرداً ومواجهه استماع اولدقلىرندن
بولردن رضا افندى متهم يوركى بى حين استنطاقده
كندوسى قهوه خانه سنده اوتورمقده ايكن مياحى
اوغلى قسطى بالورود سن قبا دايميسك بنم
همشيرلر به كفر ايتدك ديهرك يقاسندن طوتوب
طيشارويه چيقارديغنده كشيده ايتديكى قنانك
غلافيه برقچ دفعه ضرب ايتتى اوزرينه كنديسى
فرار وقسطى دخى تعقيب ايتديكى صره ده مرقومك

اياغى قايبوب دوشمسيله يدنده بولنان قبا ايله كندو
كندوسنى جرح ايتديكى متهم يوركينك افاده
ايدلىكى اخبار واحد حمدى افندى دخى متهم
يوركينك قسطى بى جرح ايتديكى خبر ويرمككه
درحال وقعه محله كيدوب اجرا ايتديكى تحقيقات
اوزرينه مرقومان بيننده ظهور ايدن منازعه ده
يوركينك قسطى بى جرح وقتل ايتديكى اكلاشلقده
وايكي كون صكره دخى متهم يوركينك قهوه خانه سندن
آلت جرح اولان بچاغك بو ايتديغى تذكر
واستاورى دخى محاكمه سابقه ده قرائت ايديلان
افاده سنى تذكر ايتملىرله جانب امانندن كتوردلمش
اولان مذكور بچاق شهوده لدى الارائه متهم
يوركينك بچاغى اولديغى سويلملىرله نه ديهجى
متهم مرقومدن صورلدقده افاده واقعه سنده اصرار
ومدعى شخصيلردن دخى صورت وقعه وادعائى
لدى الاستفسار برادرلى قسطى بى متهم يوركينك
جرح وقتل ايتديكى جهتله حقده لازم كلان
معامله نك اجراسى طلبنده بولندقلىرى تذكاري
ايتملىرله تحقيقاتك بولندن عبارت ايدوكى بيان
اولدقده معاون مومى اليه ممدوح بك متهم
يوركينك بالمنازعه قسطى بى بجاقله جرح وقتل
ايتديكى اخبارات وكندوسنك صورت افاده سى
ومعاينه راپورتى ايله تحقق ايتديكىندن مجرميتك

تحت حکمه النمسی ادا ومدافعه وکیلی قصبار
افندی دخی موکلنک هر تقدیر مؤلاً وقعینی اقرار
ایتدیکی بیان ایدلکده ایسه ده روش حال
واستاورینک اخبارینه نظراً مقتول قسطنینک
کلوب موکلنک یقاسندن طوته رق یدنده کی بچاقه
ضرب و جرح ایتدیکی جهته موکلده بالمقابله
مرقومی جرح ایتدیکنک محقق و بعد الجرح موکلنک
فرار ایتسی دخی طیبی ایدوکنی بالیان برأت
ذمته قرار ویرلسنی در میان ایتلریله ولدی السؤل
طرفینک بشقه بر دیه جکاری اولدینی ا کلا شملغله
محاکمه نك ختام بولدینی بیان اولته رق مذاکره
اوطه سنه کلندی .

طرفینک ادا ومدافعتنک استماعندن و اوراق
تحقیقه نك مطالعه و تدقیقندن صکره ایجاب کیفیت
لدی المذاکره متهم قهوه جی یورکی هر تقدیر
قسطنینک کندو کندوسنی جرح ایتدیکنی بیان
ایتمکده وکیل مومی الیه طرفندن دخی بالمقابله
فعل قتلک وقوع بولدینی مدافعه در میان ایدلکده
ایسه ده وقعه کونی مقتول قسطنینک همشیره سی
حقنده وقوع بولان تعدیمی اسبابی ا کلامق اوزره
متهم یورکینک قهوه خانه سنه کیدرک بالمنازعه مقتول
قسطنی حامل اولدینی بچاغنی غلافی اوزرنده اولدینی

حالده یان طرفیله متهم یورکی به اورمسی اوزرینه
مرقوم یورکینک بالتهور حامل اولدینی بچاغنی
تشیه رایله مرقوم قسطنی جرح ایتدیکی استاورینک
مواجهه ومع القسم وقوع بولان شهادتی و مرقومک
عقیب وقعه ده فرار و منازعه وقوعنی اعتراف
ایتسی و آلت قتل اولان دملی بچاغک دکانده
بولدینی شاهد استاوری الیه مدیر ناحیه احمد
حمدی افندی طرفلرندن اخبار ایدلیدیکی حالده
متهم مرقومک کرچه دکانده بولنش ایسه ده
مذکور بچاغک کندوسنک اولدینی بیان ایتسنه
و مرقوم قسطنینک اثر جرحندن وفات ایتدیکنک
معاینه راپورتنده مندرج اولسنه ومدافعاته کلنجه
فعل قتلک بالمقابله وقوع بولدیغه دائر مرقوم یورکیده
برکونه اثر جرح کوریله مدیکی مثللو میدانده دخی
اخبار ودلیل واماره موجود بولنامسنه مبنی متهم
مرقومک تأویل وانکاری واهی وکیل مومی الیهک
مدافعات واقعه سی دخی اسباب مبسوطه الیه
مردود ایدوکنندن مرقوم یورکینک بالتهور
قسطنی جرح و قتل ایتدیکی تحقیق ایتمکله مجرمیتنه
متفقاً قرار ویریلوب اولباده تنظیم اولان قرارنامه
علناً قرائت اولندقدن معاون مومی الیه ممدوح بک
مجرمیتی تحت حکمه النان یورکینک قانون جزانک
یوز یتمش دردنجی ماده سنک فقره اولسنه توفیقاً

ایفا قلندی .

فی ۱۵ تموز سنه ۳۰۷

تحدید وکیل مومی الیه دخی تخفیف جزاسنی
طلب ایتلریله مذاکره اوطه سنه عودت
اولندی .

جهت جزائییه حقنده دخی ایجابی لدی التذکر
مجرمیتی تحت حکمه النان قهوه جی یورکینک فعل
و حرکتی قانون جزانک یوز یتمش دردنجی ماده سنک
فقره اولسنه موافق اولدیغه و فقره مذکورده
دخی برکیمسه من غیر تعمید بر شخصی اتلاف ایتمش
ایسه اون بش سنه مدته کورکه قونیلور دیوحرر
بولدیغه مبنی بو ماده حکمنه توفیقاً و ابتدای
توقیفی اولان اوچیوز یدی سنه سی شوالنک یکرمی
اوچنجی کونندن اعتباراً بعدالتشهر اون بش سنه
مدته کورکه قونلمسنه وضبط واعلام واستنطاق
خرجلری اولان جمعاً یوز قرق غروشک دخی
مرقومدن بالتحصیل عدلیه وزنه سنه تسلیم
ایتدیرلسنه اوچیوز سکر سنه سی ذی القعدة سنک
بشنجی کوننه مصادف اولان اوچیوز یدی سنه سی
مایسنک اوتوزنجی کونی متفقاً قرار ویریلوب
قانونک ارائه وتعریفی وجهله تفهیمی اجرا
واصول محاکمه جه معین اولان معاملات دخی

(بیک اوچیوز یدی سنه سی نیساننک طقوزنجی)
(بازار کیجه سی ساعت اوچ ییحق راده لرنده)
(تکفور سراینده ترلکچی قره بتک اوکنه)
(چیه رق مرقومی ضرب و جرح و اوتوز)
(غروش الیه قوشاغنی اخذ و غصب ایتدکاری)
(ادعاسیله مظنون علیهما اولان میخانه جی)
(صلومون و قهوه جی خایمک اجرا قلنان محاکمه)
(علیه لری ضبط نامه سی صورتیدر)

بیک اوچیوز یدی سنه سی نیساننک طقوزنجی
بازار کیجه سی ساعت اوچ ییحق راده لرنده تکفور
سراینده ترلکچی قره بتک اوکنه چیه رق مرقومی
ضرب و جرح و اوتوز غروش الیه قوشاغنی اخذ
و غصب ایتدکاری ادعاسیله مظنون علیهما اولان
میخانه جی صلومون و قهوه جی خایمک جنایتله
اتهاملرینه دائر هیئت اتهامیه دن تنظیم واعطا
ایدیلان فی ۱۳ خیزران سنه ۳۰۷ تاریخ ۱۳۰

نومرولی مضبطه ايله استيناف مدعى عمومىلككنك
فى ۲۵ حزران سنه ۳۰۷ تاريخ و ۲۶۷۴
نومرولى اتهامنامهسى اوراق متفرعه سيله فى ۲۶
حزران سنه ۳۰۷ تاريخده محكمه جنايه توديع
اولمغله بالمطالعه اصول محاکات جزايه قانونك
ايكيوز قرق سكرنجى وايكيوز قرق طقوزنجى
ماده لرينه توفيقاً شهر مذكورك يكرمى بدنچى
كونى مرقومان قانون دائره سنده توقيفخانه دن
جلب ايله استجواب ومدافه لرنده معاونت ايتك
اوزره بروكيل انتخاب ايتلمى تكليف اولندقد
بونلردن صلومون دعوى وكيللرندن عزت وخايم
دخى رفيق بكلى بالانتخاب و وكيل تعيين
ايتدكرينى سويلملىله قانون مزبورك ادعاى
مفسوخيت حقنده اولان ايكيوز اللى برنجى
مادهسى مندرجاتى اخطار اولنديغى ميبين طوتيلان
ضبط ورقهسى تحت امضايه ديرلدى .

ادعاى مفسوخيت حقنده ميبين اولان مدت
قانونيه منقضيه اولمغله مرقومانك اجراى محاكمه
لرى سنه مذكوره تموزينك يكرمى اوچنجى صالى
كوننه قرارلشديرلدى .

يوم مذكوره صلومونك وكيللى عزت بك

ورود ايلمديكى وصلمون دخى بشقه وكيل قبول
ايتديكى جهته مرقومان سنه مذكوره اغستوسنك
اون ايكنجى بازار ايرتسى كونى قانون دائره سنده
توقيفخانه دن كتورديله رك و كيللرى يانلرنده
اولدقلى ومضى عمومى معاونلردن ممدوح بك
ايله مدعى شخصى قره بت حاضر بولندقلى حالده
محكمة عليه به بالابتدار مرقومان استجواب
اولندقلى بونلردن صلومون تكفور سرايلى
ويكرمى ايكي ياشنده اولوب ميخانه جيلك وخايم
دخى كذلك تكفور سرايلى ويكرمى دوت ياشنده
اولوب قهوه جيلك ايتدكرينى سويلملىله كنديلرينه
ووكيلان مومى اليهمايه قانون مزبورك ايكيوز التمش
دردنجى وايكيوز التمش بشنجى ماده لرى مدلولاتى
بعد الاخطار اتهام مضبطه سيله اتهامنامه ضبط كاتى
بهجت بكه قرائت ايتديرلدى .

مذكور مضبطه نك مالى تركيجى قره بتك
ليلاً اوكنه چيقه رق مرقومى ضرب وجرح
واوتوز غروش ايله قوشاغنى اخذ وغصب
ايتدكرى ادعاسيله مظنون عليهما اولان صلومون
وخايم فعل مذكوره جراتلرى حقنده اولان
اخبارات مرقومانك اتهاملرينه كافى كورلمش
وحركت واقعه لرى قانون جزائك ايكيوز اون

سكرنجى ماده سنه موافق افعال جنايه دن بولمش
اولدغه مبنى جنايته اتهاملرينه قرار و يرلديكى
واتهامنامه نك مفادى دخى مضبطه مذكوره
مزاياسى وجهله مرقومانك متهم بولندقلى بيان
وايضاحدن عبارتدر .

قانون مزبورك ايكيوز التمش التنجى ماده سنه
توفيقاً اتهامنامه نك خلاصهسى متهملره تفهيم
ومعاون مومى اليه طرفندن اسباب اتهاملرى تفصيل
وتشريح اولندقدن صكره متهمان مرقومان
سويلتديرلده بونلردن صلومون بركيجه خايك
قهوه خانه سنه كتيديكنده قهوه خانه نك اوكنده
اوتورمقدى بولنان ذاتاً طانيدىغى مدعى شخصى
قره بت ايله مانوق كندوسنه بر قهوه ايجمىسى
تكليف ايتلمىله كندوسيده يانلرنده اوتوروب
قهوه ايجدكدن ومرقومان قالدوب كتلملىله
كندوسيده قهوه خانه نك ايجروسنه كيروب براز
اوتوردقدن صكره قهوه جينك چراغى اغلايه رق
ايجروكيروب ويرديكى قدحلردن برينك اكسيك
اولدنجى جهته كيدوب قره بتدن ايستمسيله كنديسنى
ضرب ايتدكرينى سويلملىله كندوسيده بن ايستر
الورم ديه رك مرقومانك ارقه لرندن يتشوب
قدحى ايستديكنده قره بت قدحى كوستره رك آل

ديوب قدحى اله جنى اشناده كندوسنى ضرب
ايتدكرينى وخايم دخى بركيجه ساعت ايكي
راده لرنده قره بت ومانوق دكانه كله رك براز
اوتوروب كندكرينى معقب چراق مرقاده قدحلردن
برينك اولديغى سويلديكنده اوراده اوتورمقدى
اولان صلومونك قدحى قره بتدن المى اوزره
چيقوب كتيديكنى بيان ايتلمىله اساس زورنالى
ومعاينه راپورتى لدى القرائه بونلردن زورنال
مالى وقعه دن اوچ كوز صكره كيفيت ضابطه جه
خير الزهرق قره بت استجواب اولنديغنده بر بازار
كيجهسى مانوقك خانه سنه كتمكه ايكن طانيدىغى
صلومون كندوسنه تصادفه بر راقى ايجملرينى
تكليف ايتديكنده كندوسيده راقى ايجمه جكنى
سويلملىله قهوه ايجمىسى تكليف ايدر ك خايك
قهوه خانه سنده اوتوروب بر قهوه ايجدكلرندن
صكره قالدوب كتيديكنى وارقه سندن صلومون
كله رك نره يه كيديورسك سنكه بر راقى ايجم
ديه رك فارى سوندرديكنى معقب قوشاغنى چكمكه
باشلمسيله ارقه دن دخى خايك كلوب بوغازينه
صارلديغى وجينده بولنان اوتوز غروشنى دخى
الدقلىغى حس ايتديكنده فرياد ايتديكنى
وفريادى اوزرينه هاجى مانوقك اوندن مريك
وهاجى ماردىروس ومانوق چيغمش ايسه لرده

اعلان

متعدد کساندن اخذورشوت ایل مسند نطولای
مظنون علیه اولوب بامر نظارتیناهی تحت محاکمه به
النان کوتاهی سنجاغنه تابع عشاق قضاسی نائب
و بدایت محکمه سی رئیس سابق اوزنج به بویلی سیاه
صقاللو بغدای چهره لی اوتوز بش اوتوز النی
یاشلرنده محمد سعید افندی حقنده اصولاً اجرا
قلنان تحقیقات اوراق هیئت اتهامیه به تودیع قلمغله
مومی الیهک ارتکاب رشوت ایلدی لیدی التدقیق
اکلاشلمش و حرکت واقعیه سی قانون جزانک التمش
سکرنجی ماده سی حکمی مستلزم افعال جنایتیه دن
کورلمش اولدیغندن محاکمه سی مذکور کوتاهی
لواسی بدایت محکمه سی جزا قسمنده اجرا قلمغ
اوزره جنایتله اتهامه قرار و یریلهرک مضبطه سی
دخی بالتنظیم رئیس مومی الیه سعید افندی غیر
موقوف بولمش اولدیغندن کندوسنک هرزه ده
کوریلور بولنور ایسه دردست ایدیلوب محکمه
مزبورده توقیفخانه سنه تسامی لازم کله جکی بالمله
ضابطه عدلیه مأمورلرینک معلومی اولق اوزره
اشبو اخذ و گرفت امری خداوندکار ولایتی

او ائنده صلومونک کندوسنی درت محلدن جرح ایله
فرار ایتدکارینی و ایرتسی کونی قوشاغیله بریحیدی
کتوروب کندوسنه و یردکارینی و حکومت اخبار
ایتماسنی رجا ایله کندوسنه حکیم و اجزاجی تعیین
ایدوب تداوی ایتدیردکارینی سویلدیکی و راپورت
مالی دخی قره بتک صول طرف ناحیه کنفیسه سنک
طرف وحشیسنده آلت قاطعه ایله حاصل اولمش
بری درت و دیگری برسانتیمترو طوللرنده عمقاری
مجهول ایکی عدد جرحه وصول ناحیه الیویه سی
وسط و طرف وحشیسنده عین آلتله حاصل بری
النی دیگری برسانتیمترو طوللرنده و عمقاری
عظمه قریب دیگر ایکی عدد جرح اولوب مذکور
جریحه لره یکریمی کونده اکیوز غروش اجرت
تداویه ایله کسب التیام ایلدیکنی میندر مدعی
شخصی قره بت دخی سویلدیرلدکده ژورنالده
مندرج اولدیغنی اوزره کیفیتی افاده ایلدی

مابعدی وار

استیناف محکمه سی اعضاسندن مرکب هیئت اتهامیه
مخصوصه دن اعطا قلنان ۷ صفر سنه ۳۰۹ و ۲۹
اغستوس سنه ۳۰۷ تاریخی مذکره اوزرینه
اعلان کیفیته ابتدار اولنور.

فی ۱۱ صفر سنه ۳۰۹

وفی ۳ ایلول سنه ۳۰۷

اولغله ۲۷ اغستوس سنه ۳۰۷ تاریخندن اعتباراً
اوتوز بر کون نهایتده احاله قطعیه سی اجرا
قلنه جغندن یوم مذکور قدر یوزده بش ضمه
طالب اولنلرک سلوری اجرا دائره سنه مراجعت
ایتماری اعلان اولنور.

فی ۳ ایلول سنه ۳۰۷

درعلیه لی صراف طومه اناوستیدی وکیلی
واسیلاکی افندیکنک سلوری قضاسنه تابع بیغادوس
قریه سنده فرونجی ورکی اوغلی دیستوقلی ذمتده
بااعلام محکوم به الاجنی اولان اوچیپک اوچیوز
غروشله بوبایده و قبولان مصارف محاکمه یه قارشو
مدیون مرقومک مذکور بیغادوس قریه سنده
پدرندن منتقل اوچ طرفی یول و برطرفی دره ایله
محدود مع عرصه بر باب فرون ایله دکرمنده
بولنان طقسان النی سهم اعتباریه یکریمی درت سهم
حصه شایعه سی اجرا دائره سی معرقیله بوندن اقدام
تحت حجزه النهرق لیدی المزایده بشیوز غروش
بدل مقابلنده دعوی وکیللرندن واسیلاکی افندی
عهده سنده تقرر ایدرک قرارداده سی اجرا قلمش

سلوری قضاسی ساکنلرندن و تجاراندن ممقو
استوریدینک سلوری قضاسنه تابع پانجه قریه سی
اهالیسندن حاجی اوغلی علی ذمتده بااعلام محکوم به
بورجی اولان درت بیک بشیوز یکریمی غروشله
بوبایده آروجه حساب ایدیلهرک مصارف اجرائیه
وساثریه قارشو مدیون مرقومک قریه مذکور
مرعاسنده کورجی یولیه کوستمر یولنده طرفلری
چناق و صدیقه خانم و مال صاحبی ترلاسیله محدود
ایکیوز سکسان درت دونم ترلاده بولنان طقسان
درت دونم حصه شایعه سی بالمزایده بشیک یوز
غروشده سلوریده مقیم دعوی میز لرنندن داین
وکیلی واسیلاکی افندی عهده سنده تقرر ایتش
اولدیغندن تاریخ اعلان اولان ۱۲ ایلول سنه ۳۰۷

تاریخندن اعتباراً اوتوز برنجی کون نهایتده احاله
قطعیسی اجرا ایدیه جکندن یوزده بش ضمیله
طالب اوللرک مدت مذکوره انقضاسنه دکین
سلوری اجرا دائرهسنه مراجعت ایتملی اعلان
اولنور .

فی ۱۴ ایلول سنه ۳۰۷

سوکه قریهسندن عایشه خاتونک کیرماستینک
قوجه بیکار قریهسندن حاجی اسماعیل اولان
دینندن طولایی تحت حجره الدیریش اولان سوکه
قریهسندکی معلوم الحدود اون ونیسانجه موقعنده
اوتوز وقریه جوارنده ایکی و جذیر موقعنده
درت دونم که جمعاً درت قطعهده قرق الی دونم
ترالرینک تاریخ اعلانندن اعتباراً اون بش کونه
قدر فروخته تشبث اولنه جفندن طالب اوللرک
باندومه بدایت محکمهسی اجرا دائرهسنه مراجعت
ایلملی اعلان اولنور .

فی ۲ تشرین اول سنه ۳۰۷

حبیبه صافیہ خانمک $\frac{۲۰۰}{۳۳۷}$ نومرویه مقید برنجی
حقوق دائرهسنک اعلامی موجبجه سلیمان وهبی
افندی ذمتنده الاجبی بولنان معلوم المقدار مبالغک
تأمین استیفاسیچون تحت حجره النهرق طرفینک
رضا وموافقیه فروختی قرارلشدیریلان فرهاد
محلہسندہ زیرک جادهسندہ واقع تخمیناً درتیوز
قرق آرشون عرصه اوزرینه مبنی حرم وسلاملق
طقوز اوطه وایکی صوفه و بش خلای وایکی طاش
اوطه لری واتصالنده الی درت و ارقه جهتنده
تقریباً بشیوز آرشون وسعتنده ایکی قطعه بغچهی
ودرون بغچهده بر مطبخ و برطالتو صو قیوسی
محتوی یتیش الی نومرولی بر باب اخشاب خانهک
درت حصه اعتباریه اوج حصهسیله مذکور
خانهک اتصالنده اولوب تخمیناً ایکوز اون یدی
آرشون عرصه اوزرینه مبنی فوقانی و تحتانی
اوج اوطه و بر صوفه وایکی ابدستخانه و بر مطبخ
وبرقیوی شامل ارقه جهتنده تقریباً درت یوز
یکرمی بش آرشون بغچهی و درون بغچهده بر
آخور وفوقنده بر صمانلقی حاوی یتیش درت
نومرولی بر باب اخشاب خانه نصفنک تاریخ
اعلانندن اعتباراً اون بش کون صکره بالمزایدہ
فروخته تشبث اولنه جفنی درسمادت اعلامات نظامیه

اجرا دائرهسندن اعلان اولنور .

فی ۵ تشرین اول سنه ۳۰۷

یوزغروش حسابیه یوز یتیش بیک غروش بدل
ایله طالی عهدهسندہ تقرر ایتیش اولدیفندن
بوندن دها زیاده یعنی یوزده بش ضمیله طالب
اوللرک ودها زیاده معلومات المقی ایستیانلرک
تاریخ اعلانندن اعتباراً اوتوز برکون ظرفنده
دائرة اجرایه مراجعتله پی سورملری لازم که جکی
ومدت مذکورہنک انقضاسنی متعاقب قرار
قطعیسی کشیده قلنه جفندن اندن صکره ضم قبول
اولنمیجفی درسمادت اعلامات نظامیه اجرا
دائرهسندن اعلان اولنور .

فی ۷ تشرین اول سنه ۳۰۷

متوفی شکری افندی ورتهسنک عایشه خانم
ذمتنده قسمت عسکری محکمهسندن ویریلان
فی ۵ محرم سنه ۳۰۲ تاریخلی برقطعه ادا نه ججی
موجبجه الاجقلمی اولان مبالغ معلومه نک تأمین

فاطمه کریه خانمک $\frac{۲۰۲}{۳۸۱}$ نومرویه مقید
درسمادت برنجی حقوق دائره سنک اعلامی
موجبجه قائم مقام عزتو خیری بک ایله خدیجه
خانم ذمتلنده الاجبی بولنان معلوم المقدار مبالغک
تأمین استیفاسیچون مرهون وفروختی محکوم
اولان وسلطان احمد خان اول حضرتلری ایله
جزری قاسم پاشا جامعشریفی وقفلرندن اولوب
توسیع حد انتقالی اجرا قلنان غلطهده طویخیلر
جادهسندہ واقع تخمیناً یوز الی بش آرشون
عرصه اوزرینه مبنی فوقانی و تحتانی اوج قاتدن
عبارت و دروننده اون درت اوطه و بش ابدستخانه
وصغیردرت مطبخ و برطلومه ومذکور اوطه لرک
نختنده برقهوه خانه ایله بر باب اشکمه جی دکانلرینی
وایکی بودرومی ومعین محلنده پونجی کدکنی
حاوی مکرر ایکوز اوتوز بش نومرولی کارگیر
ابیه تمامی بوندن اقدم لدی المزایدہ لیرای عثمانی

استیفاسی ضمننده مدیونہ مومی الیہانک عہدہ سندہ
اولوب مرہون و فروختی محکوم بولنان استانبولہ
حطب قپوسی داخلندہ صاری تیمورخان محلہ سندہ
قبلہ چشمہ سی جادہ سندہ واقع الی نومرو ایلہ
مرقم مقدما دخانجی کدکی و الیوم تخمیناً یکرمی
ذراع عتیق عرصہ بوندن اقدام مزایدہ قونیلہرق
ایرا یوز غروش حسابیلہ ایکی بیک غروش بدل
ایلہ طالبی اوزرندہ تقرر ایتیش اولدیغندن یوزدہ
بش ضمیله بوندن دہا زیادہ طالب اولنلرک
اشیبو تاریخ اعلاندن اعتباراً اوتوز برکون
ظرفندہ درسعات اعلامات شرعیہ اجرا دائرہ سندہ
مراجعت ایلملری و مدت مذکورہ ختامندن
صکرہ طالبی عہدہ سندہ معاملہ فراغیہ سی اجرا
قلنہ جنی اعلان اولنور.

فی ۷ تشرین اول سنہ ۳۰۷

علی رضا افندینک $\frac{۲۰۶}{۱۸۹}$ نومرویہ مقید برنجی
حقوق دائرہ سنک اعلامی موجبہ و ارنہ لی
حسن اغا زوجہ سی مباحہ خاتم ذمتندہ الاجنی
بولنان معلوم المقدار مبالغت تأمین استیفاسی چون
تحت حجزہ النہرق فروختی قرارلشدیریلان کوچک
مصطفی پاشادہ ملا خسرو محلہ سندہ یحیی پاشا
زقاغندہ واقع تخمیناً یتیش آرشون عرصہ اوزرینہ
مبنی فوقانی و تحتانی درت اوطہ و ایکی ابدستخانہ
واتصالندہ تقریباً الی آرشون بغچہ پی و درون
بغچہ دہ برقیوی مشتمل اولوب سکسان غروش
کرایہ ویرلمکدہ اولان بر باب اخشاب خانہ تمامک
تاریخ اعلاندن اعتباراً اون بش کون صکرہ
بالمزایدہ فروختہ تشبث اولنہ جنی درسعات
اعلامات نظامیہ اجرا دائرہ سندن اعلان اولنور.

فی ۷ تشرین اول سنہ ۳۰۷